

Broj: 04-45-2743/25
Sarajevo, 18.08.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE BOSNE I HERCEGOVINE
PREDSTAVNIČKI DOM
N/r g-dina: Sandi Salkić, zastupnik
SARAJEVO

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 27-08-2025			
Org. jed.	Broj	Priloga	Vrijednost
05/1	- 02 -	375	/25

Bosna i Hercegovina
Federacija Bosne i Hercegovine
V L A D A
N/r sekretara Vlade
SARAJEVO

PREDMET: Zastupničko pitanje – Zastara kazne tokom izdržavanja kazne
zatvora – dostavlja se –

Vlada Federacije Bosne i Hercegovine, uz svoj akt broj: 03/04-1366-372025 od 28.07.2025. godine dostavila je Federalnom ministarstvu pravde zastupničko pitanje koje je na 23. Redovnoj sjednici Predstavničkog doma Parlamenta Federacije Bosne i Hercegovine, održanoj 23.07.2025. godine, postavio zastupnik Sandi Salkić, a koja se odnosi na zastare izvršenja kazni zatvora osuđenima koji se nalaze u zatvorskim ustanovama u Federaciji Bosne i Hercegovine

U vezi postavljenog pitanja Federalno ministarstvo daje slijedeći

ODGOVOR

Federalno ministarstvo pravde je u prethodnom periodu izvršilo analizu stanja u Kazneno-popravnim ustanovama u više segmenata, između ostalog i u pogledu zastare izvršenja izrečene kazne zatvora tokom izdržavanja druge kazne zatvora. U konkretnom slučaju problem se javlja prilikom obračuna kazni zatvora kada je na izvršenju više od jedne kazne zatvora za jednu osuđenu osobu. Izrečene kazne zatvora sa kraćim trajanjem zastarijevaju prije nego osuđeno lice počne izdržavati takvu vrstu kazne zatvora.

Redoslijed izdržavanja kada je u pitanju više kazni zatvora za jedno osuđeno lice određuje hronološki slijed prijema presude te se po tom osnovu određuje redoslijed za neku od kazni zatvora neovisno o visini izrečene kazne zatvora.

Jedna od čestih pojava jeste da osuđene osobe koji na izvršenju imaju više kazni zatvora ne žele da traže pred nadležno postupajućim sudovima nepravo ponavljanje krivičnog postupka jer na taj način svjesno znaju da će doći do zastare izvršenja krivičnih sankcija sa kraće izrečenim kaznama zatvora.

Zavodi nemaju mogućnosti niti ovlaštenja da samovoljno određuju koje su to kazne prioritetne u pogledu redoslijeda izdržavanja kazne zatvora jer je to pravo i obaveza pripada nadležno postupajućem sudu koji vrši upućivanje na izdržavanje kazne zatvora. Svaki Kazneno-popravni zavod obavijesti nadležni sud o početku svake kazne te na osnovu toga Sud može izvršiti uvid da li će doći do zastare kazne.

Aktom Visokog sudskog i tužilačkog vijeća broj: 08-08-5-62-434/2024. od 25.12.2024. godine usvojen je zaključak u pogledu postupanja predsjednika suda i glavnih tužitelja i donošenju naputaka kako bi se onemogućilo zastarijevanje kazne tokom izdržavanja kazne zatvora.

Na osnovu prikupljenih podataka iz kazneno-popravnih zavoda u Federaciji BiH u KPZ ZT Zenica se nalazi 21 osuđena osoba au KPZ PT Tuzla 5 osuđenih osoba gdje je došlo do zastare izvršenja kazne zatvora jer se radi o kraćim kaznama, a osuđena lica izdržavaju dugogodišnje kazne zatvora.

Shodno navedenom, Federalno ministarstvo pravde će zadužiti kazneno-popravne zavode da dostave informaciju predsjedniku suda o nemogućnosti izvršenja pravomoćno izrečene kazne zatvora, kako bi isti mogao izvijestiti nadležno tužilaštvo za podnošenje prijedloga sudu za nepravo ponavljanje krivičnog postupka, kako bi se onemogućilo zastarijevanje kazne osuđenih osoba tokom boravka u Zavodu.

S poštovanjem


MINISTAR
Vedran Škobić

Dostaviti:- Naslovu

- a/a